

Minister Presidente Henny eman

"NOS MESTER DUNA HONOR NA TUR ESNAN CU A CUMINSA E LUCHA"

ORANJESTAD(AAN) -- "Nos ta kere cu ta na su lugar pa duna honor, en memoriam, na tur esnan cu tabata involvi den e comienso di e lucha. Y pesey e 2147 nombenan ariba e monumento lo keda ey pa semper, den silencio pa testigua di momentonan historico grandi." Asina Promer Minister Henny Eman a describi e monumento 18 di Maart cu lo worde devela otro siman ariba nos Dia Nacional. Cu e descripcion aki Promer Minister ta mostra cu e lucha tabata uno di e Pueblo mes, pasobra e 2147 nombenan ta di casi tur e hombernan cu e tempo ey tabata biba na

Aruba of cu por a vota. E tempo ey ta solamente hombernan ariba 21 aña por a vota. Kier men cu e sosten na e accion politico aki di Henny Eman y Shon A Eman tabata masal pa e tempo ey. Y ta na su lugar segun Promer Minister Eman, cu nan cu a carga e lucha ta haya reconocemento pa e balor grandi cu nan a demostra den e tempo hopi difisil aya. Un tempo cu no tabata tin medianan di comunicacion pa transmiti mensa- henan, no tabata tin transporte manera awe y no tabata tin lus tur caminda. Hendenan tabata pasa e idea y plannan boca pa boca y re- uni na cas di famia pa uni



forza. Den e tempo aki e lucha di Aruba pa bira "baas den su propio cas" a cuminsa. Y pa e

hendenan cu a lanta para pa nos derechonan den e tempo ey, awe ta duna recono- cimento.

E FECHA DI 18 DI MAART

Promer Minister Eman: "E documentonan cu e 2147 Arubianonan a firma na 1947 y 1948 a duna e sosten necesario na e mocion cu a keda entrega na Conferencia di Mesa Rondo na 1948. E sosten tabata grandi pa e tempo ey. E gran lider di Pueblo Arubano, Betico Croes a honra e mocion di Shon A Eman cu a worde entrega dia 18 di Maart y a usa esaki como recono- cimiento pa e base, e funda- mento pa nos lucha estatal. E a usa e fecha di 18 di Maart pa introduci pa Aruba e bandera, e himno, el a organisa demostracion- nan masal pa demonstra ariba 18 di Maart, cu nos ta un Pueblo uni den lucha." Promer Minister Eman cu esaki kier a mostra e grandesa di lidernan manera Betico Croes, cu a sa di duna honor na otro lidernan grandi manera Shon A y Henny

Eman. Y door di continua cu e lucha cu mas fervor cu nunca, Betico a sa di sigui uni e Pueblo tras di e meta pa un Status Aparte.

GRANDESA DI LIDER- NAN REAL

"Ey nos ta mira e diferen- cianan grandi di lidernan manera un Shon A y un Betico cu por duna recono- cimento na otro. Pasobra Betico a worde introduci den politica door di defunto Shon A Eman, mi tata, cu a pasa pe, e inspiracion pa sigui pa sigura pa nos Pueblo cu un dia nos lo conoce e libertad cu nos tabata busca. Y ey Bo ta mira con BO por tin diferen- cianan di opinion, manera tabata e caso na 1983 aki na Aruba, cu tabata tin un grupo cu tabata kier independia y un otro cu tabata bisa cu Status Aparte tabata loke nos tabata desea. Y como lidernan grandi nos por a haya otro y conhuntamente nos a bai Conferencia di Mesa Rondo na 1983 cu un punto di bista."



Casnan Solido di Beton Fabrica Aki na Aruba!

Plantanan: -Sta. Martha - Kudawecha


BO OPORTUNIDAD PA OBTENE BO CAS DEN 1996



MOKO



MODANZA




SANTA CRUZ



MADIKI



MOKO



SANTA CRUZ

CASNAN LUJUSO NA ALCANSE DI UN Y TUR....

Contact:
phone - 20892
fax - 24044



United Consultants
Building Systems N.V.

Designs - Drawings - Construction - Architectural
Construction Management - Marketing - Advertising

TEMBLOR SINTI DIALUNA ANOCHI A CAUSA SUSTO

ORANJESTAD(AAN): Si bay tras di e yamadan cu a drenta na redaccion ayera por deduci cu e temblor cu a ser sinti dialuna anochi poco prome cu mey anochi a causa susto na diferente lugar.

Un dama biba na Malmok a splica na redaccion cu mas o menos un cuarto pa diezdos el a sinti manera un truck di carga pisa tabata pasando dilanti su cas y ora cu el a wak afo e no a mira nada.

Na Jaburibari tambe un dama a splica cu el a seucha manera ta olanan di lama a pasa riba barancanan biniendo direccion di Jaburibari, pero un rato despues tabata masha keto.

For di Alto Vista a ser splica na DIARIO cu habitantenan

di e cas a core sali keriendo cu ta lama lo a subi tera na barancanan pa nord di Aruba pa despues ripara cu no tin nada mas.

Tambe for di Andicuri a ricibi e informacion cu habitantenan di e cas a keda sorprendi cu anochi laat asina tin vehiculonan pisa pasando den vecindario.

For di Fontein DIARIO a ser informa pa un dama cu nan a kere sigur cu ta uyn warwaru ta pasando na e momento ey pa despues lesa den corant ayera mainta cu tabata tin un temblor.

Esaki ta muestra cu e boroto cu e temblor a ocasiona na e parti noordwest di nos isla mester tabata hopi fuerte pa a causa e panico.

TA HUUR

Betonmolen grandi, machine di pillona potente, machine di wals, helicopter, vibrator pa cement. Pa mas informacion

por yama tel: 76768.

Nos ora di oficina te 10'or anochi.